

ZAKON
O IZMJENAMA I DOPUNAMA
ZAKONA O ZAŠTITI PRIRODE

Član 1.

U Zakonu o zaštiti prirode ("Službene novine Federacije BiH", broj 66/13), u članu 5. stav 1. alineja 1. riječ „održavanje“ zamjenjuje se riječju „očuvanje“.

Član 2.

U članu 8. stav 1. alineja 8. briše se.

U stavu 2. alineja 14. mijenja se i glasi:

„- **sigovina**“ predstavlja prirodnu vapnenastu tvorevinu u špiljama i podzemnim šupljinama nastalu izdvajanjem kalcijeva karbonata iz vode koja se cijedi;“

U stavu 8. iza 4. dodaje se šest novih alineja koje glase:

- **“priroda”** predstavlja sveukupnu bioraznolikost, pejzažnu raznolikost i georaznolikost;
- **“zaštićene vrste”** predstavljaju divlje vrste koje su zaštićene međunarodnim ugovorima i/ili ovim zakonom;
- **“tip staništa”** predstavlja skup ili grupu staništa koja su po svojim biološkim i abiotičkim karakteristikama veoma slična;
- **„mineral“** predstavlja prirodnu tvorevinu, sastavni dio litosfere, određenog i stalnog kemijskog sastava i fizičkih svojstava koji su stabilni u određenim uvjetima tlaka i temperature. Mineralom u smislu ovoga Zakona smatra se i nakupina ili tvorevina minerala. Minerali u smislu ovoga Zakona nisu mineralne sirovine;
- **„fosili“** predstavljaju sačuvane cjeline, dijelove, ili tragove izumrlih organizama i njihovih životnih aktivnosti;
- **„sedra“** predstavlja tvorevinu vapnenca nastalu inkrustacijom (biogenim procesima) algi i mahovina, na brzacima i slapovima tekućica u kršu izdvajanjem ugljikovog dioksida iz kalcijevog hidrogenkarbonata koji taloži kalcijev karbonat.

Član 3.

U članu 11. stav 2. briše se.

Član 4.

U članu 14. iza stava 1. dodaju se novi st. 2., 3. i 4., koji glase:

„Izuzetno od stava 1. ovog člana, mogu se odobriti međunarodna takmičenja i promotivne vožnje (cross vožnje, off- road, ...) vozilima na motorni pogon na obilježenim, uređenim i pripremljenim stazama uz dozvolu Federalnog ministarstva, a uz saglasnost

nadležnog ministarstva saobraćaja i lokalne zajednice na čijem području se međunarodno takmičenje i promotivna vožnja održava.

Organizator međunarodnog takmičenja i promotivne vožnje dužan je podnijeti zahtjev za dozvolu 60 dana prije održavanja takmičenja, odnosno vožnje, a nadležnu inspekciju za zaštitu prirode obavijestiti 15 dana prije održavanja. Uz zahtjev se prilaže dokaz da je organizator pravno lice, karta kretanja vozila u razmjeri 1:10.000, plan i program održavanja, način obilježavanja, uređenja i pripremanja staza i plan sanacije privremenih staza nakon održavanja.

Dozvola iz stava (2) ovog člana, izdaje se rješenjem koje sadrži uslove održavanja međunarodnog takmičenja i promotivne vožnje i mjere zaštite prirode.“

Član 5.

U članu 17. stav 2. u drugom redu riječi “organu uprave“ zamjenjuju se riječju „tijelu“.

Iza stava 2. dodaje se novi stav 3. koji glasi:

„Opravdane slučajeve i stručne provjere i rezultate iz stava 1. ovog člana, utvrđuje kantonalni zavod za zaštitu prirode, u skladu sa posebnim propisima kojima se uređuju sredstva za zaštitu bilja.“

Član 6.

U članu 19. stav 4. u prvom redu iza riječi „vršiti“ dodaje se riječ „Federalno ministarstvo uz stručnu evaluaciju prostora“, a riječi „Federalni zavod za zaštitu prirode (u daljem tekstu: Federalni zavod)“ brišu se.

Član 7.

U članu 21. stav 1. alineja prva, u trećem redu iza riječi „Federalni Zavod“ dodaju se riječi „za zaštitu prirode (u daljem tekstu: Federalni zavod)“.

Član 8.

U članu 22. stav 2. na kraju teksta tačka se zamjenjuje zarezom i dodaju riječi: „koji se izdaju u obliku rješenja.“

U stavu 3. na kraju teksta tačka se briše i dodaju riječi: “koja se temelji na stručnom mišljenju kantonalnog zavoda za zaštitu prirode ili ovjerenog stručnog mišljenja/elaborata. To mišljenje primjenjuje se za izdavanje saglasnosti iz člana 23., člana 29. stav 3., člana 159. stav 5. i člana 182. stav 1. ovog zakona.“

Član 9.

U članu 26. stav 5. u osmom redu iza riječi „ocjene zahvata“ dodaje se riječ „federalni“.

Član 10.

U članu 28. stav 8. riječi „Popis“ zamjenjuje se riječju „Propis“.

Član 11.

U članu 29. stav 4. na kraju teksta tačka se briše i dodaju riječi: „od dana prijema zahtjeva za izdavanje građevinske dozvole“.

U stavu 6. riječi: „nadležni organ“ zamjenjuju se riječima: „nadležno tijelo“.

Član 12.

U članu 30. iza stava 6. dodaje se novi stav 7. koji glasi:

„Federalni ministar propisuje kriterije, postupke i način utvrđivanja kompenzacijskih uslova.“

Član 13.

U članu 33. u stavu 3. riječ „nadležni“ zamjenjuje se riječju „federalni“.

Stav 7. mijenja se i glasi:

„Praćenje stanja značajnih i karakterističnih obilježja pejzaža obavlja Federalni zavod u saradnji sa nadležnim kantonalnim tijelima.“

Član 14.

U članu 38. iza stava 2. dodaje se novi stav 3., koji glasi:

„Elaborat sa kartografskim prikazom ugroženih nešumskih i rijetkih tipova staništa za određeno šumskoprivredno područje izrađuje šumskoprivredno društvo koje upravlja tim područjem godinu dana prije isteka važeće šumskoprivredne osnove“.

Dosadašnji stav 3. postaje stav 4.

Član 15.

U članu 40. iza stava 1. dodaje se novi stav 2., koji glasi:

„Postotak zrelih, starih i suhih stabala koja su na Crvenoj listi, posebno stabala sa dupljom u visokim šumama, sa prirodnom obnovom iznosi 0,05 posto stabala po hektaru od ukupnog broja stabala po hektaru za svaku gazdinsku klasu pojedinačno, a u degradiranim i izdanačkim šumama 0,25 posto. Prilikom izrade projekata za izvođenje sječa (izvedbeni projekti), stabla se obilježavaju na terenu i ucrtavaju u karte.“

Dosadašnji st. 2., 3. i 4. postaju st. 3., 4. i 5.

Član 16.

U članu 49. iza stava 2. dodaje se novi stav 3. koji glasi:

„Sporazumom iz stava 2. ovog člana utvrđuje se i vremenski period za koji se plaća naknada.“

Dosadašnji stav 3. postaje stav 4.

Član 17.

U članu 58. iza stava 5. dodaje se novi stav 6., koji glasi:

„Područja ekološke mreže obuhvaćaju i područja značajna za očuvanje migratornih vrsta ptica, osobito močvarna područja od međunarodne važnosti (Ramsarska područja).

Član 18.

U članu 59. stav 1. u četvrtom redu riječ „sataništa“ zamjenjuje se riječju „staništa“.

Član 19.

U članu 65. stav 5. riječ „ministarstva“ zamjenjuje se riječju „tijela“.

Član 20.

U članu 76. u st. 1. i 4. riječ „nadležnom“ zamjenjuje se riječju „Federalnom“ u odgovarajućem padežu.

Član 21.

U član 77. stav 4. riječi „nadležno“ i „nadležnog“ zamjenjuje se riječju „Federalno“ u odgovarajućem padežu.

Član 22.

U članu 84. tačka (e) u petom redu riječi: „nadležnog tijela Federacije BiH“ zamjenjuju se riječima: „Federalnog ministarstva“.

Član 23.

U članu 99. iza stava 4. dodaje se novi stav 5., koji glasi:
„Izuzetno, ako su određena pitanja iz stava 4. ovog člana, uređena propisom nadležnog organa Bosne i Hercegovine, u odnosu na ta pitanja postupa se prema tom propisu, a na način uređen pravilnikom iz stava 4. ovog člana.
Dosadašnji st. 5., 6., 7. i 8. postaju st. 6., 7., 8. i 9.“.

Član 24.

U članu 105. stav 4. u trećem redu iza riječi „trgovine“ dodaje se riječ „Federalni“.

Član 25.

Član 108. stav 3. briše se.

Član 26.

U članu 109. stav 2., u trećem redu, iza riječi „saglasnost“ dodaje se riječ „federalnog“.

Član 27.

U članu 113. stav 2. briše se.

U stavu 4. riječ „organizacija“ zamjenjuje se riječju „stanica“.

U stavu 8. broj 6. zamjenjuje se brojem „7“.

U stavu 9. broj „6“ zamjenjuje se brojem „7“.

Dosadašnji st. 3.,4., 5., 6., 7., 8. i 9. postaju st. 2., 3.,4., 5., 6., 7. i 8.

Član 28.

U članu 115. stav 1. riječi: „na način propisan ovim Zakonom“ zamjenjuje se riječima: „Federalnog ministarstva“.

Član 29.

U članu 118. stav 2. u prvom redu iza riječi „ministra i“ dodaju se riječi „federalni“.

Član 30.

Naziv poglavlja VIII. „MINERALI, FOSILI I SIGOVINE“ mijenja se i glasi: „VIII. MINERALI, SEDRA, FOSILI I SIGOVINE“.

Član 31.

Član 125. mijenja se i glasi:

„ Minerali, sedra, fosili i sigovine vlasništvo su Federacije BiH.

Zabranjeno je uništavati minerale, sedru, fosile i sigovine te oštećivati njihova nalazišta.

Izuzetno, Federalno ministarstvo će dozvoliti provođenje aktivnih mjera očuvanja i/ili revitalizacije bez kojih bi se promijenile bitne karakteristike područja i/ili bi mogle da izazovu poplavu ili drugu prirodnu nesreću u tom području, ili ako je to u interesu Federacije BiH ili bitno izraženi javni interes, uz izrađen tehnički elaborat usvojen od strane Federalnog ministarstva.“.

Član 32.

Iza člana 125. naziv odjeljka „Zaštićeni minerali, fosili i sigovine“ mijenja se i glasi: „Zaštićeni minerali, sedra, fosili i sigovine“.

Član 33.

U članu 126. st. 1. i 2., članu 127. st. od 1. do 5., članu 128. st. 1. i 2., članu 129. st. 1., 2., 4. i 6., članu 130. st. 1. i 3., članu 132., članu 133. st. 1., 2. i 3., članu 147. stav 3., članu 151. stav 1., članu 157. stav 2., i članu 196. stav 1., iza riječi „minerala,“ dodaje se riječ „sedra,“ u odgovarajućem padežu, a u članu 232. al. 62., 63., 64. i 65., članu 233. al. 10., 11. i 12., članu 234. al. 7., 8., 9., 10., 11., 12., 15., 16., 17., 18. i 19., i članu 235. alineja 2., iza riječi „minerale“ stavlja se zarez i dodaju riječi „sedru, sigovinu“ u odgovarajućem padežu.

Član 34.

U članu 127. stav 1. riječi: „nadležnog organa“ zamjenjuju se riječima: „Federalnog ministarstva“.

Član 35.

U članu 129. st. 1., 4. i 6. riječi: „nadležnom“ odnosno „nadležnog“ odnosno „nadležno“ zamjenjuje se riječju „Federalnom“ u odgovarajućem padežu, a u stavu 2. u prvom redu iza riječi „se“ dodaje se riječ „Federalno“.

Član 36.

U članu 130. stav 1. riječi: „nadležnog“ zamjenjuje se se riječju „Federalnog“, a u stavu 2. iza riječi „člana“ dodaje se riječ „Federalno“.

U st. 3. i 4. riječ „nadležno“ odnosno „nadležnom“ zamjenjuju se riječju „Federalno“ u odgovarajućem padežu.

Član 37.

Član 131. mijenja se i glasi:

„Pravno ili fizičko lice koje namjerava uzimati minerale, sedru, fosile ili sigovine iz prirode radi stavljanja u promet dužno je pribaviti dozvolu Federalnog ministarstva. Dozvola se izdaje rješenjem, na osnovu stručnog elaborata.

Zahtjev za izdavanje dozvole mora sadržavati podatke o:

- a) lokaciji uzimanja;
- b) vrsti i količini minerala ili fosila;
- c) vremenu uzimanja.

Ministarstvo izdaje dozvolu iz stava 1. ovoga člana ako utvrdi da ovisno o rasprostranjenosti i količini minerala, sedre, fosila ili sigovine uzimanje neće značajnije ugroziti georazolikost.

Dozvola iz stava 1. ovoga člana izdaje se na rok do jedne godine.

Dozvola iz stava 1. ovoga člana sadrži uvjete zaštite prirode, vrstu i količinu minerala, sedre, fosila ili sigovine iz stava 1. ovog člana.“

Dozvola prilikom prodaje minerala, sedre, fosila ili sigovine se uručuje kupcu.

Pravno ili fizičko lice iz stava 1. ovog člana je dužno voditi evidenciju o stavljanju u promet minerala, sedre, fosila ili sigovina, te evidenciju dostavljati Federalnom ministarstvu.

Uputstvo o obliku i sadržaju evidencije o stavljanju u promet minerala, sedre, fosila ili sigovine donosi Federalni ministar.

Član 38.

U članu 133. st. 1. i 3. riječ „nadležnog“ odnosno „nadležno“ zamjenjuje se riječju „Federalnog“ u odgovarajućem padežu.

Član 39.

U članu 144. stav 3. riječi: „saglasnost zakonodavnih tijela“ zamjenjuju se riječima: „mišljenje skupština“.

Iza stava 3. dodaje se novi stav 4. koji glasi:

„Zaštićene prirodne vrijednosti iz člana 134. stav 1. alineje 3., 4., 5. i 6. proglašava gradsko ili općinsko vijeće ako se područje prirodne vrijednosti prostire na području jedne općine odnosno grada.“

U stavu 5. u drugom redu, riječ „saglasnost“ zamjenjuje se riječju „mišljenje“.

Dosadašnji st. 4. i 5. postaju st. 5. i 6.

Član 40.

U članu 145. stav 1. iza alineje 3. dodaje se nova alineja 4. koja glasi:

„-mjere zaštite iz člana 157. stav 2. ovog Zakona i sankcije za njihovo nepoštivanje;“.

U stavu 2. na kraju teksta tačka se briše i dodaju riječi: „i prostornim planovima kantona.“.

Dosadašnja alineja 4. i 5. postaju alineje 5. i 6.

Član 41.

U stavu 2. riječ „nadležnom“ zamjenjuje se riječima: „u Federalnom“.

U članu 147. stav 1. riječ „akt“ zamjenjuje se riječju „zakon“, a na kraju stava tačka se zamjenjuje zarezom i dodaju riječi: „a akt o proglašenju iz člana 144. stav 4. ovog Zakona objavljuje se u službenom glasilu jedinice lokalne samouprave.“.

Član 42.

U članu 148. stav 2. riječ „nadležno“ zamjenjuje se riječju „Federalno“.

Član 43.

U članu 149. stav 1. na kraju teksta tačka se briše i dodaju riječi: „i primjena instrumenata prethodne zaštite vrijednosti / područja koja su definisana u dokumentima

prostornog uređenja i ostaju na snazi dok se ne steknu uvjeti za donošenje propisa o proglašenju zaštite tih vrijednosti/područja.

Član 44.

U članu 150. stav 1. riječ „nadležnog“ zamjenjuje se riječju „kantonalnog“, a na kraju stava tačka se zamjenjuje zarezom i dodaju riječi: „odnosno nadležnog organa jedinice lokalne samouprave.“.

U stavu 3. na kraju teksta tačka se briše i dodaju riječi: „iz člana 147. ovog zakona.“.

Član 45.

U članu 151. u stavu 3. riječ „vlade“ zamjenjuje se riječima „skupštine kantona i općinska vijeća“.

Član 46.

U članu 154. stav 2. riječ „predstavničko“ zamjenjuje se riječju „zakonodavno“.

Član 47.

U članu 155. stav 2. iza riječi „kantona“ dodaju se riječi: „ili općinski načelnik“, a na kraju teksta tačka se zamjenjuje zarezom i dodaju riječi: „ili općinske službe za upravu nadležne za zaštitu prirode.“.

Iza stava 5. dodaje se novi stav 6. koji glasi:

„Novi plan upravljanja iz stava 1. ovog člana, donosi se najkasnije 30 dana prije isteka važnosti postojećeg plana.“.

Član 48.

U članu 156. stav 3. riječi: „organ uprave je dužan“ zamjenjuju se riječima: „Federalno ministarstvo, kantonalno ministarstvo ili nadležni organ jedinice lokalne samouprave je dužno“.

Iza stava 3. dodaje se novi stav 4. koji glasi:

„Godišnji program iz stava 2. ovog člana donosi nadležni organ javnog preduzeća i javne ustanove iz člana 151. ovog zakona, uz pribavljenu saglasnost Federalnog ministarstva, odnosno kantonalnog ministarstva, ako se odnosi na kanton, ili nadležni organ lokalne samouprave, ako se odnosi na jedinicu lokalne samouprave.“.

Član 49.

U članu 158. stav 1. u trećem redu iza riječi „vrijednosti“ stavlja se tačka, a ostali tekst briše se.

Stav 2. mijenja se i glasi:

„Pravilnik iz stava 1. ovog člana donosi nadležni organ javnog preduzeća ili javne ustanove određen statutom ili drugim općim aktom preduzeća, odnosno ustanove, uz prethodno pribavljenu saglasnost Federalnog ili kantonalnog ministra, ili tijela jedinice lokalne samouprave, ako se odnosi na jedinicu lokalne samouprave.“

Stav 4. mijenja se i glasi:

„Vlada Federacije BiH na prijedlog Federalnog ministra donosi propis kojim se uređuje organizacija, način rada i ovlaštenja nadzorničke službe zaštite prirode.“

Član 50.

Iza člana 158. dodaju se novi čl. 158a. i 158b., koji glase:

„Član 158a.

Za glavnog nadzornika javnog preduzeća ili ustanove može se imenovati lice koje ima najmanje visoku stručnu spremu ili visoko obrazovanje prvog ciklusa (koji se vrednuje sa 240 ECTS bodova) iz prirodnih, biotehničkih, biomedicinskih, tehničkih ili društvenih područja, s najmanje tri godine radnog iskustva u struci, te ima položen stručni ispit.

Za nadzornika preduzeća ili ustanove iz stava 1. ovog člana može se imenovati osoba koja ima najmanje srednju školsku spremu ili srednju stručnu spremu, sa najmanje jednom godinom radnog iskustva, te ima položen stručni ispit.

Glavnog nadzornika i nadzornika imenuje nadležni organ javne ustanove koja upravlja zaštićenim područjem na osnovu provedenog javnog natječaja.

Glavni nadzornik i nadzornik dužni su položiti stručni ispit u roku od godine dana od dana stupanja na dužnost.

Glavnom nadzorniku i nadzorniku koji ne položi stručni ispit u propisanom roku prestaje služba.

Uvjete, program, način polaganja stručnog ispita i izdavanja uvjerenja o položenom stručnom ispitu iz st. 1. i 2. ovog člana propisuje Federalni ministar pravilnikom.

158b.

Glavni nadzornik i nadzornik dokazuju svoj službeni status službenom legitimacijom.

Sadržaj, oblik, način nošenja i izdavanja službene legitimacije, propisuje Federalni ministar pravilnikom za zaštićena područja na nivou Federacije BiH, odnosno kantonalni ministar nadležan za zaštićena područja na nivou kantona i jedinice lokalne samouprave.

Za vrijeme službe, glavni nadzornik i nadzornik nose službenu odjeću, znak zaštite prirode i znak zaštićenog područja koje čuva u skladu sa zakonom.

Izgled uniforme, boja, sadržaj odjevnih predmeta i način nošenja propisuje Federalni ministar pravilnikom za zaštićena područja na nivou Federacije BiH, odnosno kantonalni ministar nadležan za zaštićena područja na nivou kantona i jedinice lokalne samouprave.“

Član 51.

U članu 159. stav 2. riječi: „daje nadležno ministarstvo“ zamjenjuju se riječima: „Ia, Ib i II daje Federalno ministarstvo“.

U stavu 3. riječi: „nadležni kantonalni organ“ zamjenjuje se riječima „nadležno kantonalno ministarstvo ili nadležni organ jedinice lokalne samouprave“.

U stavu 4. na kraju stava, tačka se zamjenjuje zarezom i dodaju riječi: „prema odredbama Zakona o upravnom postupku („Službene novine Federacije BiH, broj 2/98 i 48/99) (u daljem tekstu: ZUP Federacije BiH).“

U stavu 5. u petom redu, riječi: „nadležnog ministarstva“ zamjenjuju se riječima: „nadležnog tijela“.

Član 52.

U članu 162. stav 2. riječ „pravilnikom“ zamjenjuje se riječju „ugovorom“.

Član 53.

U članu 164. stav 5. riječ : „nadležno ministarstvo“ zamjenjuju se riječima „Federalno ministarstvo“.

Član 54.

U članu 166. stav 1. na kraju teksta tačka se zamjenjuje zarezom i dodaju riječi: „odnosno nadležnom organu kantona određen zakonom kantona, odnosno nadležnom organu jedinice lokalne samouprave“.

U stavu 3. iza riječi „kantona“ stavlja se zarez i dodaju se riječi: „odnosno nadležnom organu kantona određen zakonom kantona, odnosno nadležnom organu jedinice lokalne samouprave“.

U stavu 5. iza riječi „kantona“ stavlja se zarez i dodaju se riječi: „odnosno nadležni organ kantona određen zakonom kantona, odnosno nadležni organ jedinice lokalne samouprave“

U stavu 6. iza riječi „kantona“ stavlja se zarez i dodaju se riječi: „odnosno nadležni organ kantona određen zakonom kantona, odnosno nadležni organ jedinice lokalne samouprave“.

Član 55.

Iza člana 166. dodaje se novi član 166a. koji glasi:

„Član 166a.

Vlasnik nekretnine iz člana 166. ovog zakona, ponudu za prodaju nekretnine na propisanom obrascu podnosi Vladi Federacije BiH, odnosno vladi kantona ili drugom nadležnom organu kantona, ili nadležnom organu jedinice lokalne samouprave, preko upravitelja zaštićenog područja.

Vlasnik nekretnine dužan je uz ponudu iz stava 1. ovog člana, dostaviti sljedeću dokumentaciju:

- fotokopiju lične karte vlasnika;
- dokaz o vlasništvu ili posjedovni list (original ili ovjerenu fotokopiju) koja nije starija od 15 dana od dana podnošenja ponude;
- identifikaciju nekretnine odnosno potvrdu nadležne službe za upravu grada i općine za katastar da se ponuđena nekretnina nalazi unutar obuhvata zaštićenog područja, ili dostaviti skicu terena od nadležne službe općine ili grada na osnovu koje se može sa velikom sigurnošću utvrditi da se nekretnina nalazi unutar zaštićenog područja.

Upravitelj zaštićenog područja dužan je osigurati da se ponuda za prodaju nekretnine podnese na propisanom obrascu i da je dostavljena dokumentacija iz stava 2. ovog člana. Tu ponudu sa dokumentacijom i svojim mišljenjem o ponuđenoj ponudi, upravitelj zaštićenog područja dostavlja Vladi Federacije BiH, odnosno nadležnom organu kantona ili jedinici lokalne samouprave iz člana 166. stav 1. ovog zakona.

Federalni ministar propisuje obrazac ponude iz stava 1. ovog člana i njen sadržaj koja se može prezentirati u digitalnoj formi na web stranici ili na neki drugi način biti dostupna ponuđačima nekretnina, i način dostavljanja ponude upravitelju zaštićenog područja i Vladi Federacije BiH, odnosno nadležnom organu kantona ili jedinice lokalne samouprave.

Ponudu za prodaju nekretnine, po ovlaštenju vlasnika nekretnine, može podnijeti punomoćnik, koji mora imati pismenu punomoć ovjerenu kod notara ili nadležne službe jedinice lokalne samouprave.

Član 56.

U članu 168. stav 3. iza riječi „kantoni“ dodaju se riječi: „odnosno jedinice lokalne samouprave“.

Član 57.

U članu 169. stav 1. riječi: „nadležnom ministarstvu“ zamjenjuju se riječima: “Federalnom ministarstvu za nekretnine iz stava 2. tog člana, a za nekretnine iz stava 3. tog člana, zahtjev se podnosi nadležnom kantonalnom ministarstvu, odnosno nadležnom organu jedinice lokalne samouprave“.

Član 58.

U članu 170. stav 2., iza riječi „nekretnina“ dodaju se riječi u zagradi: „(Zakon o eksproprijaciji ("Službene novine FBiH", br. 70/2007, 36/2010, 25/2012, 8/2015 - odluka US i 34/2016))“.

U stavu 3. iza riječi „kantona“ dodaju se riječi: “ili organ jedinice lokalne samouprave“.

U stavu 4. iza riječi „kantona“ dodaju se riječi: “ili organ jedinice lokalne samouprave“.

U stavu 5. na kraju teksta tačka se briše i dodaju riječi: „a vrši se u skladu sa Zakonom o eksproprijaciji.“.

U stavu 6. iza riječi: „nadležnog organa“ zamjenjuju se riječima: „Federalnog, odnosno kantonalnog ministarstva, odnosno organa jedinice lokalne samouprave što se određuje prema stavu 3. ovog člana“, a riječi „zakonom koji uređuje izvlaštenje“ zamjenjuju se riječima „Zakonom o eksproprijaciji“.

Član 59.

U članu 171. stav 1. riječi: „predstavničko tijelo“ zamjenjuju se riječima: „Parlament Federacije BiH“.

U stavu 2. iza riječi „kantona“ stavlja se zarez i dodaju riječi „odnosno nadležni organ kantona određen zakonom kantona, ili nadležni organ jedinice lokalne samouprave“.

Stav 3. briše se.

Član 60.

U članu 172. stav 4. iza riječi „kantona“ stavlja se zarez i dodaju riječi „odnosno jedinice lokalne samouprave“.

U stavu 5. iza riječi „kantona“ stavlja se zarez i dodaju riječi „odnosno jedinice lokalne samouprave“.

Član 61.

U članu 174. stav 1. u drugom redu, riječ „dužna“ zamjenjuje se riječju „dužno“.

Član 62.

U članu 175. stavu 1., druga rečenica mijenja se i glasi: „Federalnom, odnosno kantonalnom ministarstvu će se dostaviti izvještaj o stepenu provođenja plana upravljanja zaštićene vrste/podvrste na koju se odnosi ta šteta uz izvještaj stručnog savjeta za zaštitu i dobrobit životinja u skladu sa Zakonom o dobrobiti životinja BiH.“

U st. 2. riječi: „nadležno ministarstvo“ zamjenjuju se riječima: „Federalno, odnosno kantonalno ministarstvo“.

Član 63.

U članu 176. st. 2. i 8. riječi: „nadležnom ministarstvu“ odnosno „nadležnog ministarstva“ zamjenjuje se riječima: „Federalnom, odnosno kantonalnom ministarstvu“ u odgovarajućem padežu.

Član 64.

U članu 178. stav 4. na kraju teksta tačka se briše i dodaju riječi: „Federacije BiH, odnosno budžeta kantona.“.

Član 65.

U članu 182. stav 1. mijenja se i glasi:

„Inicijativu za identifikaciju potencijalnih koncesija za zaštićena područja iz nadležnosti Federacije BiH podnosi Federalno ministarstvo, odnosno nadležno kantonalno ministarstvo ako se radi o zaštićenim područjima iz nadležnosti kantona, ili nadležni organ jedinice lokalne samouprave, koja se temelji na stručnom mišljenju zavoda za zaštitu prirode ili stručnog elaborata, s tim što se može zatražiti i mišljenje i prijedloge projekata javne ustanove ili javnog preduzeća koje upravlja zaštićenim područjem.“

U stavu 5. iza riječi „nadležno“ dodaje se riječ „kantonalno“, a na kraju teksta dodaje se druga rečenica koja glasi: „ Uslovi zaštite prirode sastavni su dio i ugovora o koncesiji.“

Iza stava 5. dodaje se novi stav 6. koji glasi:

„Koncesionar je dužan provoditi uslove zaštite prirode i poduzimati mjere zaštite zaštićenog područja, odnosno speleološkog objekta, na način i pod uvjetima utvrđenim ugovorom o koncesiji i ovim Zakonom i na osnovu njega donesenim propisima.“

Dosadašnji stav 6. postaje stav 7.

Član 66.

U članu 186. st. 1. i 3. riječi: „predstavničko tijelo“ i „predstavničkom tijelu“ zamjenjuju se riječima: „Parlament Federacije BiH“ u odgovarajućem padežu.

Član 67.

Član 187. mijenja se i glasi:

„Upravne i stručne poslove zaštite prirode obavlja Federalno ministarstvo, ministarstva u kantonu nadležna za zaštitu prirode i službe za upravu nadležne za zaštitu prirode u jedinicama lokalne samouprave, osim onih poslova koji su ovim Zakonom ili drugim propisom dati, odnosno preneseni u nadležnost Federalnog zavoda i zavoda za zaštitu prirode kantona.“

Član 68.

U članu 190. iza stava 1. dodaje se novi stav 2. koji glasi:

„Fond za zaštitu okoliša Federacije BiH formira i vodi bazu podataka iz stava 1. alineja 1. ovog člana, do osnivanja Federalnog zavoda.“

Dosadašnji st. 2., 3., 4. i 5. postaju st. 3., 4., 5. i 6.

Član 69.

U članu 192. stav 3. na kraju teksta tačka se briše i dodaju riječi: „u pitanjima koja se po ovom Zakonu nalaze u nadležnosti kantona.“

Član 70.

U članu 196. stav 2. iza riječi: „Federalnog“ stavlja se tačka, a ostatak rečenice briše se.

U stavu 3. riječi: „ili nadležno“ brišu se.

Član 71.

U članu 197. u st. 1. i 2. riječ „Zavod“ zamjenjuje se riječima „Federalni zavod“.

Iza stava 2. dodaje se novi stav 3. koji glasi:

„Fond za zaštitu okoliša Federacije BiH formira i vodi bazu podataka biološke i pejzažne raznolikosti uz kvartalno izvještavanje Federalnog ministarstva o provedenim aktivnostima, do uspostavljanja Federalnog zavoda.“

Član 72.

U članu 207. stav 2. riječ „ministarstvo“ zamjenjuje se riječima: „Federalno i kantonalno ministarstvo, svaki za pitanja iz svoje nadležnosti“.

Član 73.

Iza člana 211. dodaje se novi član 211a.

„Član 211a.“

Federalni inspektor, pored inspekcije zaštićenih područja iz člana 211. stav 1. ovog zakona koja spadaju u nadležnost federalne inspekcije, vrši inspekcijski nadzor i za druga pitanja koja su ovim zakonom stavljena u nadležnost Federacije BiH.

Kantonalni inspektor, pored inspekcije zaštićenih područja iz člana 211. stav 1. ovog zakona koja spadaju u nadležnost kantonalnog organa za inspekcijske poslove, vrši inspekcijski nadzor i za druga pitanja koja su ovim zakonom stavljena u nadležnosti kantona, kao i pitanja koja su po ovom zakonu u nadležnosti jedinica lokalne samouprave.“

Član 74.

U članu 213. stav 1. mijenja se i glasi:

„Inspekcijske poslove zaštite prirode može obavljati lice koje ima visoku školsku spremu iz područja prirodnih nauka ili visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa obrazovanja po Bolonjskom sistemu studiranja, položen stručni ispit predviđen za državne službenike za rad u organima uprave u Federaciji BiH, s najmanje tri odnosno pet godina radnog staža u struci nakon završene visoke školske spreme.“

Član 75.

U članu 216. stav 1. riječi: „nadležni inspektor“ zamjenjuju se riječima: „Federalni inspektor i kantonalni inspektor za zaštitu prirode (u daljem tekstu: nadležni inspektor)“.

Član 76.

U članu 224. na kraju teksta tačka se zamjenjuje zarezom i dodaju sljedeće riječi: „a kantonalni inspektor izdavanje prekršajnog naloga vrši prema odgovarajućim odredbama kantonalnog zakona o inspekcijama kantona, ako federalnim zakonom o inspekcijama nije drugačije određeno.“.

Član 77.

U članu 232. stav 1. brojevi „500 KM do „1500 KM“ zamjenjuje se brojevima „2000 KM do 5000“, a brojevi „5000 KM do 15000 KM“ zamjenjuju se brojevima: „10000 KM do 70000 KM“.

U stavu 1. prva alineja, u zagradi iza broja „14.“ dodaju se riječi „st. 1“.

Iza alineje 1. dodaju se tri nove alineje koje glase:

„- organizira takmičenja i promotivne vožnje vozilima na motorni pogon bez pribavljene dozvole (čl. 14. st. 2.);

- ne obilježi, uredi i pripremi staze, ili ne izvrši sanaciju staza nakon održavanja takmičenja ili promotivne vožnje (čl. 14. st. 3.);

- na zaštićenom području vrši prenamjenu zemljišta koje nije u skladu sa dokumentima prostornog uređenja (čl. 15.);“.

U alineji 69. u zagradi broj „3“ zamjenjuje se brojem „6“.

U stavu 2. brojevi: „500 KM do 3000 KM“ zamjenjuju se brojevima „1000 KM do 10000 KM“.

Član 78.

U članu 233. stav 1. brojevi „300 KM do 1200 KM“ zamjenjuju se brojevima „600 KM do 3000 KM“, a brojevi „1500 do 10000 KM“ zamjenjuju se brojevima „5000 KM do 30000 KM“.

U stavu 1. iza prve alineje dodaje se nova druga alineja koja glasi:

„ – ne obavijesti nadležnu inspekciju zaštite prirode prije održavanja takmičenja ili promotivne vožnje (čl. 14. st. 3.);“

U stavu 2. brojevi „300 KM do 2000 KM“ zamjenjuju se brojevima „600 KM do 5000 KM“.

Član 79.

U članu 234. stav 1. brojevi „100 KM do 1000 KM“ zamjenjuju se brojevima „300 KM do 3000 KM“, a brojevi „1000 do 7000 KM“ zamjenjuju se brojevima „2000 KM do 20000 KM“.

U stavu 2. brojevi „150 KM do 1500 KM“ zamjenjuju se brojevima „300 KM do 4000 KM“.

Član 80.

U članu 235. stav 1. brojevi „50 KM do 500 KM“ zamjenjuju se brojevima „100 KM do 1000 KM“, a brojevi „500 do 5000 KM“ zamjenjuju se brojevima „1000 KM do 10000 KM“.

U stavu 2. brojevi „150 KM do 1000 KM“ zamjenjuju se brojevima „300 KM do 2000 KM“.

Član 81.

U članu 239. stav 1. riječ „tri“ zamjenjuje se riječju „pet“.

U stavu 2. na kraju teksta tačka se briše i dodaju riječi: „s tim da se svake pete godine, a po potrebi i ranije, vrši njeno revidiranje“.

Stav 3. briše se.

Član 82.

U članu 241. stav 1. u trećem redu iza riječi „ministarstava“ dodaju se riječi: „i nadležnih organa jedinica lokalne samouprave“.

Iza stava 1. dodaje se novi stav 2. koji glasi:

„Nakon protoka vremena od 10 godina implementacije plana upravljanja iz stava 1. ovog člana, ne mogu se više donositi privremene upravljačke smjernice.“

Član 83.

U članu 243. stav 3. iza riječi „turizma“ dodaju se riječi: „i Fond za zaštitu okoliša, u skladu sa odlukama i zaključcima Vlade Federacije BiH“.

Član 84.

U članu 244. stav 1. broj „3“ zamjenjuje se brojem „5“.

Član 85.

Ovaj zakon stupa na snagu osmog dana od dana objavljivanja u „Službenim novinama Federacije BiH“.